



585981

S. 1699.

AUGUSTISSIMI
IMPERATORIS
LEOPOLDI

CÆSAREUM DIPLOMA,
AC EDICTUM

Super renunciatione, & renunciationis approbatione,
ac Cessione, & Translatione

MAGNI MAGISTERII

Ordinis Equestris Militaris Aureati

Angelici Constantiniani

Sub Titulo, & auspiciis

SANCTI MARTYRIS

G E O R G I I

AD FAVORES

SERENISSIMI DOMINI DUCIS

F R A N C I S C I

F A R N E S I I

D U C I S P A R M Æ, &c.

Ejusque Descendentium,

^{AC}
SERENISSIMÆ FARNESIÆ STIRPIS.

Aug. 1699.



EOPOLDUS, Divina favente Clementia, electus Romanorum Imperator semper Augustus, ac Germaniae, Hungariae, Bohemiae, Dalmatiae, Croatiae, Sclavoniae Rex, Archidux Austriae, Dux Burgundiae, Brabantiae, Styriae, Carinthiae, Carniolae, Marchio Moraviae, Dux Luxemburgiae, ac Superioris, & Inferioris Silesiae, Vvirctembergae, & Teckae, Princeps Sveciae, Comes Habsburgi, Tyrolis, Ferretis, Kyburgi, & Goritiae, Landgravius Alsatiae, Marchio Sacri Romani Imperii, Burgoviae, ac Superioris, & Inferioris Lusitiae, Dominus Marchiae Sclavonicae, Portus Naonis, & Salinarum.

Agnoscamus, & notum facimus tenore praesentium Universis, quod cum nobis vir Illustris Joannes Andreas Angelus Flavius Comnenus, Sacrae Anglicae Auratae Constantinianae Militariae, sub titulo Sancti Georgii, & Regula Divi Basilii, Magnus Magister humiliter exposuerit, nihil sibi ex per antiqua, & potentissima Comnenorum Familia tantummodo superstiti magis curae, & cordi esse, quam, ut Ordo Militaris Auratus Anglicus, qui à Divo quodam Constantino Magno Imperatore ex oblato divinitus ipsi pervisum Lemmate: In hoc signo vinces: institutus, ac postmodum ab Isaacio Angelo Comneno, aliisque deinceps Imperatoribus, nec non & Romanis Pontificibus auctus, & amplificatus sub Regula Divi Basilii, & patrocinio, sive tutela Sancti Georgii militat, cuiusque sibi tanquam à dicto Isaacio Angelo Comneno continuà non interrupta serie Descendentis iure successionis, & sanguinis Magnum Magisterium competat, per injuriam temporum obcuratus resuscitetur, atque ad pristinum decus, & splendorem reducat, sicque inclyti istius Ordinis perennitati securus consulatur. Eumque in finem, cum id, ob fortunae facultatumque angustias, tum ob virum imbecillitatem, ac aetatem in senium jam vergentem, praestare non possit, de clarissimi Sanguinis Principe, tum aetimatione, tum auctoritate spectabili, collabente istius Ordinis molis sustinende, idoneo cogitasse, qui titulos eidem Ordini adscriptos re, ac splendore valeat cumulare; & amplificare, ac oblati Deo-optimo Maximo precibus, sibi in mentem occurrisset multifaria Illustrissimae Farnesiorum Familiae, tam in Ecclesiam, & Rempubicam Christianam, quam in semetipsum, dictumque Ordinem merita, & beneficia, nullumque digniorem sibi visum esse, in quem iura, facultates, exercitia, reliquaeque ad dictum Ordinem spectantes prerogativae transferri, dictumque Magisterium ex jure Sanguinis, & Successionis sibi competens, resignari posset, praeterquam Serenissimum nunc Regnantem Parmae, & Placentiae Ducem FRANCISCUM PRIMUM ex Illustrissima Farnesiorum Familia Oriundum, atque in spem Maximorum facinorum florenti aetate crescentem, non minus amplissimis facultatibus instructum, quam generis Claritate, atque Heroicarum Virtutum Splendore, & generositate praefulgentem: demissè Nos rogando, ut non modo perficiendae hujusmodi translationis, & resignationis facultatem sibi impertiri: Sed, & praedicto Serenissimo Parmae, & Placentiae Duci Magnum illius Ordinis Magisterium elementer deferre dignaremur.

Etià igitur tum vetera, tum recentiora celeberrimae Farnesiorum Gentis, deo, ac in Ecclesiam, & Rempubicam Christianam, Divosq; olim Praedecessores Nostros Romanorum Imperatores inerita Historiarum monumentis luculenter confirmata, ita in oculis hominum resurgant, ut supervacaneum videri posset eorum seriem hic loci recensere, pro nostro tamen in Nobilissimam hanc familiam, tot nominibus nobis colligatam, singulari affectu recolere, tantummodo operae pretium duximus Petrum secundum,

eandem, qui anno millesimo nonagesimo nono Mille Præfectus, devictis ab Hostibus, vindicatas ditiones Ecclesie restituit: Ut, & Prudentium de Petro: Qui Militari fortitudine anno millesimo centesimo sexagesimo quinto accerrimi Propugnatoris Ecclesie libertatis sibi nomen, & gloriam comparavit.

Tum præclaros illos Farnesianos Duces, qui anno millesimo ducentesimo undecimo pro Ecclesia genotose steterunt: Eandemque ab hostibus incursionibus fortiter defenderunt. Ranutium Petri de Prudentio filium, qui anno millesimo ducentesimo quadragésimo tertio contumaces ditiones iterum Romano Pontifici subjectas reddidit: Senfum Farnesium, qui anno millesimo ducentesimo quinquagesimo secundo Pontificii Imperii securitati, & incolumitati contra Rebelles Tondinos, & Amelinos proprium sanguinem, ac vitam litavit, eidemque anno quinquagesimo quarto supra millesimum ducentimum Ranutium prædictum, non minoris fortitudinis, sed melioris fortunæ, Ducem subrogatum Amelianum Exercitum fregit Ditione Ecclesiastica Tudertinâ, ac Fuliginatensi Pontificiarum partium fautoribus restituit.

Deinde Ranutium Ranutii senioris filium, cujus fidei credita fuit Urbani hujus nominis IV. Pontificis securitas, contra Manfredam Siciliæ Regem armis excidium, & ruinam minitantem, cujus bellicam fortitudinem, tanquam validissimum agerem, Pontifex illius temporis Hostibus suis feliciter opposuit. Cujus Frater Nicolaus armorum robore abiepras Urbes legitimo Ecclesie dominatui iterum parere coegit: utenque Ranutius autem, & Nicolaus opem, & auxilium ad extrema redactis Pontificis: partibus præstiterunt, atque unâ cum aliis hujus familie strenuissimis Viris Ecclesie Pontificumque incolumitati, & securitati semper militarunt, eo nomine Civitatum Pontificiarum propugnatores, tum Nuntii, Vicarii, & Commissarii Apostolici renuntiati.

Potè in posterorum fama adhuc superstites Angelum, Aloysium, & Ferdinandum Farneses, quorum primus tumultuantes factiosæ armæ contra Ecclesie Principatum conatus penitus repressit, salter Pauli Pontificis, hujus nominis secundi, iussu, armorum Imperio compulsi Rebelles Urbes: totum in deditionem se se recipere: Postremus verò in Faventina obidione urbem aggressus, mortem appetiit, in posterioritatis fama æternum victoratus. Atque insuper Octavium, Margaretham, & Alexandrum Farnesiorum Duces, quorum ille in Italia, sub Divo quondam Carolo Quinto Prædecessore Nostro gloriöse memoriæ, ætenuavit, ac proficiam navavit operam: Ejus lectissima Conjux Margaretha in Belgio singularem suam prudentiam, & moderationem probavit: Eorum autem Filius Alexander Farnesius parentum gloriæ, & virtutis Nobilissimus Æmulator, ut reliqua ipsius heroica facinora prætereamus, positus in Navali pugna: Beatissimo Pio VI. hortatore, à Christianis Principibus contra Turcas suscepta, primis militiæ fundamentis, & arrepto, cui vibrando adsuæverat, prægrandi gladio in Hostilem Turcarum Trilemem saltu se projecit, ac circumducto utraque manu ferro, latam per hostium stragem aperuit militibus suis viam, præda ingenti, cum victoria, potitus fuit.

Tum denique alios Raynutos, & Odoardos Duces, qui laudatissimo Majorum suorum exemplo genitis decus, tum præclaris facinoribus, tum affinitatibus etiam Summorum Pontificum, atque Christianorum Regum, ut & Serenissimum Magriorum Hetruriæ Ducum familiæ contractis, non modo egregiè tutati sunt, sed & inter Majores, & potentiores Italiæ Principes habiti, deque Nobis, & Augusta Domo nostra nunquam non optimè meriti, acceptos à Majoribus amplissimos Status, & ditiones ad posteros suos transmiserunt.

Primum omnium verò Paulum hujus nominis tertium in æternam posterorum memoriam iturum, magnum Ecclesie Propugnatorem, qui singulari pru-

prudentia, Consilio, Virtute, Sapientia Ecclesiae navim processioni hære-
tum fluctibus actatam in securitatis portum adduxit, præcipue cum Sacrae
Terræ totius Synodi magnam opus Catholicae Ecclesiae maxime salutem
promoveret. Quibus aliisque tum laudatorum, tum aliorum Ducum egregiis
actis, in hac Serenissima familia, bene de Ecclesia Catholica merita
sunt, ut Militiae Ecclesiasticae Imperator Petrus Aloysius creatus fuerit, &
praedictus Octavianus ejus filius ad Romae Praefecturam evehitus, perpetuus
que Sanctae Ecclesiae Vexilliferi splendidissimum munus Farnesii Ducibus
collatum, in Serenissimo Duce Francisco Primo, nunc Regnante, & Summi
Pontifici Innocenti XII. auctoritate, & clementia tantae dignitatis præ-
rogativa contrahatur, & renovetur.

Cumque praeterea, ut nihil dicimus de archa affinitate, quam modò dictus
Serenissimus Dux, insignis virorum virtutum Seclator, Nobiscum ex
Matrimonio cum Serenissima Principe Dorothea Sophia, ex Serenissimis
Palatinis Rhemi oriunda, Augusta Imperatricis dilectissimae Conjugis nos-
trae, ut & Serenissimarum, ac Potentissimarum Hispaniae, & Lusitaniae
Reginarum Sorore inito, contraxit, non minus constantissimum, & heredi-
tarium, quod ipse Dux Nobis, Augustaque Domui nostrae indefinenter
probavit, ac etiam nunc probare non cessat, fidei, & observantiae stu-
dium, quam opes potentia, Provinciarumque amplitudo, tum spectata
ipsius prudentia, rerumque bene gerendarum alius singularem merentur
reflexionem. Nos antedictae resignationis necessitatem considerantes, atque
Imperatorio, & protectorio muneri, nec non Jurisdictioni nostrae supremæ
convenire existimantes ejusdem Inelucti Ordinis instaurationi, & conserva-
tioni quovis modo consulere, non possumus non laudare providam saepe
nominati magni Magistri electionem, gratumque in Farnesios, & Serenissi-
mum Parmæ, & Placentiae Ducem animum persuasi, quippe ab ipso
ut potè oriundo, ex Illustrissima illa familia, quae surgentioris bellatoribus,
ac Ducibus strenue pugnantis vita, & sanguine Ecclesiam Catholicam
propagavit, collapsum hunc Ordinem Christo Domino Nostrò auctore,
sub auspiciis Sancti Martyris Georgii ad Idololatram excidium, ad dictae
Ecclesiae defensionem, ad veræ Religionis propagationem institutum re-
staurari, & amplificari posse.

Ac prout motu proprio, ex certa scientia, animo bene deliberato, ac sano
Nostrorum, & Sacri Imperii fidelium dilectorum accedente Consilio, ea-
que qua fungimur auctoritate Caesarea, & de ejusdem plenitudine, tum
de Supremo dicti Ordinis ad nos devoluto, nobisque competente Domi-
nio, invocato Dei Omnipotentis nomine, a quo Principatus omnes, & igni-
tates promanant, praedicto Viro Illustri Joanni Andreæ Angelò Flavio Chim-
beno, Sacrae Angelicae aurore Constantinianae Militiae, sub titulo Sancti
Georgii, & Regula Divi Basilii, Magno Magistro facultatem transferendi,
& resignandi magnum istius Ordinis Magisterium in praesentem Serenissi-
mum Franciscum Farnesium Parmæ, & Placentiae Ducem, Principem nos-
trum Charissimum non tantum concesserimus, & impertiti sumus, prout
hinc clementer concedimus, & impertimus, verum etiam si forte interea
temporis ejusmodi translatio, & resignatio subiecta esset, eandem appro-
baverimus, laudaverimus, & confirmaverimus, prout hinc approbamus,
laudamus, & confirmamus, quoniam ex eadem potestatis nostrae plenitu-
dine Magnum Ordinem istius Magisterium omni quod fieri potest meliori
modo, & forma saepe dicto Serenissimo Francisco Primo, Parmæ, & Pla-
centiae Duci acceptanti, & consentienti, bisque propterea humilissime sup-
plicanti, ejusdemque legitimis descenditibus Filiis in infinitum, & his
deficientibus (quod absit) Serenissimo Principi Primogenito Farnesie stir-
pis, donec Illustrissimi hujus Sanguiinis gloria vigeat omnem firmitatem,
jus, auctoritatem, potestatem, actionem in Magno Magisterio praesenti
Ordinis, & Militiae, omniaque, & singula privilegia, prerogativas, exem-
ptiones,

ptiones, & gratias, vel concessiones quasunque, siue ab ipso Isaacio Angelo Comneno, eiusdemque successoribus, siue à Summis Pontificibus, aliisque Romanorum Imperatoribus, & nobis metipsis eidem datas, factas, confirmatas tribuerimus, & transcriperimus eademque in omnibus suis punctis, clausulis, & articulis, perinde, ac si, de verbo, ad verbum omnia, & singula hic Loci inserta, & comprehensa essent, rata habuerimus, quemadmodum hisce tribuimus, transcribimus, rata habemus, approbamus, & confirmamus, ita ut deinceps à Nobis, Nostrisque in Sacro Imperio Successoribus Romanorum Imperatoribus, ac Regibus, aliisque quibuscunque Ordinis Militaris aurati Angelici Magni Magistri perpetuo post hac prædicentur, appellentur, nominentur, & compellantur, non secus, ac si Magnum illud Magisterium omniaque, & singula uti supra ab ipsomet Isaacio Angelo Comneno in prædictos Farnesios translata essent.

Volentes, & hoc Edicto nostro Cæsareo firmiter statuentes quod prædictus Serenissimus Parmæ, & Placentiæ Dux omnibus, & singulis ad eundem Ordinem, siue Magnum ejusdem Magisterium pertinentibus Terris, bonis, Insulis, ut & privilegiis, juribus, prærogativis, & Regalibus quocunque etiam nomine vocitentur, eodem quo hæcenus dicti Ordinis Magni Magistri uti, & gavisii (unt modo, tùm ipse memoratus Ordo Sacre Militiæ Angelicæ Constantinianæ Sancti Georgii, ejusdemque Equites omnibus illis prædictis, & nominatim hac quam peculiariter ipsis confirmamus gratia portandi nimirum omnis generis arma, tam offensivæ, quam defensionis idonea perinde, ut alii Religiosorum Ordinum Equites sub omnibus, & singulis nobis, & Sacro Imperio, mediata vel immediate subjectis Terris, Provinciis, & Ditionibus uti, frui, & gaudere debeat, & possit, pariterque debeant, & possint de potestatis nostre plenitudine, nemine omnino contradicente, quod postremum ita tamen intelligi volumus, si ipso Ordo jam ante in possessione eorum sit, & quatenus id neque in præjudicium supremæ eminentiæ, & Regalium aliorumve nostrorum, vel alterius cuiuscunque juri cedat. Cùm superioritate summam, confirmationemque de casu, in casum nobis, & Nostris Successoribus semper reservatam, & insuper velimus, ut Sanctæ Militiæ leges, Regulaque Sancti Basilii in omnibus ritè, recteque observetur, atque Religioni S. Ecclesiæ Catholice nec non Nobis, & Successoribus Nostris in casu necessitatis ad requisitionem nostram, prompta semper, fortique manu contra Infideles succurratur, nec ulla magni momenti expeditio bellica, sine prævia notificatione, & consensu Nostro suscipiatur.

Nulli ergo omnino hominum liceat hoc nostre confirmationis, nostre concessionis, & gratiæ Decretum, quod optimo jure sancitum est, infringere, aut ei quovis ausu temerario contraire. Si quis autem id attentare præsumpserit, is præter Nostram, & Sacri Imperii indignationem, gravissimam multam quingentarum Marcarum auri puri filco, seu Aerario Nostro Imperiali, omni spe veniæ sublata applicandam se noverit ipso facto incurrisse.

Harum Testimonio litterarum, quarum transumptis à Magno dicti Ordinis Cancellario, aliavè quavis persona in Ecclesiastica dignitate constituta ritè consignatis, eandem, quam Originalibus, fidem haberi volumus: que manus nostre subscriptione, & Bullæ nostre aureæ Typario munitæ dabantur in Civitate Nostra Viennæ die quinta Augusti Anno millesimo sexcentesimo nonagesimo nono, Regnorum nostrorum, Romani quadragesimo secundo, Hungarici quadragesimo quinto, Boemici verò quadragesimo tertio.

Subj. LEOPOLDUS &c.

Vidit Dominicus Andreas Comes à Kauniz

Ad mandatum Sacre Cæsareæ Majestatis proprium.

Subj. Luzzo-Dolberg manu propria.

Regis & collat. Rob. Herm. de Bottram Gg. Secr. & Ar.

Cum Bulla aurea de cordulii ex auro intertexti pendente.





PALA
L. 1